

Hordaland Sau og Geit
Sogn og Fjordane Sau og Geit
Møre og Romsdal Sau og Geit

Norsk Sau og Geit
Sogn og Fjordane Bondelag
Sogn og Fjordane Bonde- og Småbrukarlag

Jordbrukstingingane 2009, Geitehaldet.

Kjekjøt:

Under jordbrukstingingane i 2008 vart grensa for å få slaktetilskot til kje heva frå 3,5 til 5,0 kg.

Endringa er ikkje forankra i næringa og har skapt stor frustrasjon både hos produsentane og hos Nortura som mottek og omset kjekjøt.

Det må vere eit krav at vektgrensa blir justert attende til 3,5 kg med verknad frå 01.01.2009.

Sjølv om Nortura betalar mellom 35,0 og 40,0 kr pr kg for kje over 3,5 kg i bestemte klassar er det lite kje som blir fora fram til slakt (1.700 i Vest i 2007) Dette heng mykje saman med at økonomien ved å fore kjea på mjølkeerstatning er heller svak. Geitehaldarane satsar først å fremst på å levere kvota til Tine. Ved svak lønsemd med bruk av mjølkeerstatning blir difor overskotskjea avliva. Frå Nortura blir det uttalt at dei treng meir kje for å kunne satse skikkeleg på salg og vidareforedling.

For å betre økonomien i kjekjøtproduksjonen må slaktetilskotet hevast til kr 120,00 pr kje.

Mjølkeproduksjon:

Mjølkeproduksjonen er hovudinntekstkjelda til geitehaldarane. Under årets jordbrukstingingar må grunntilskotet til geitmjølke aukast med 30 øre.

Husdyrtilskot:

Regelverket i dag inneber at berre geiter som har vore eller er i produksjon får husdyrtilskot. Dette gjer at produsentar som har kjeing i desember får tilskot til førstegongskjearne ved januarsøknaden, medan produsentar som har kjeing i januar først får tilskot ved augustsøknaden.

Under årets jordbrukstingingar må regelverket endrast til at geiter som har vore eller er i produksjon samt førstegongskjearar som er drektige ved telledato får husdyrtilskot.

Kvoteleige:

Frå 01.01.2010 blir det opna for kvoteleige på geitmjølk.

I argumentasjonen for den nye ordninga blir m.a. auka fleksibilitet framheva. Dagens regelverk utelukkar samdrifter i å delta i ordninga utan at det er gitt noko grunngjeving for dette. For dei som er i samdrift verkar dette som ein logisk brest i regelverket.

Under årets jordbrukstingingar må regelverket for kvoteleige på geitemjølkei endrast slik at samdrifter også kan delta.**Investeringsverkemidlar:**

Det er stor trong for fornying av driftsapparatet i geitehaldet. Det er gledeleg at ein no ser ei viss satsing på fornying. For mange bruk vil ombygging/påbygging vere ei betydeleg økonomisk utfordring som knapt let seg gjere. Dei som gjer slike investeringar har enten ein stor kvote eller vil prøve å skaffe seg ei stor kvote.

For å sikre ein variert bruksstruktur må investeringsverkemidla betrast.

Under årets jordbrukstingingar må satsen for tilskot aukast. I tillegg må ramma aukast slik at ikkje ferre får tilskot. Det må vurderast å setje av ein øyremerka pott til investering i geitehaldet. I tillegg bør det setjast av ein pott særskilt til investering i kjekjøtproduksjonen.**Sjukdomssanering, Friskare Geiter:**

Sålangt har nær halvparten av geitemjølkeprodusentane enten sjukdomssanert geiteflokkene eller meldt seg på for sanering. Interessa for sjukdomssanering er framleis god. Det vil vere heilt meiningslaust om tilbodet om sjukdomssanering forsvinn etter 2010.

Årets jordbrukstingingar må sikre tilførsel av midlar til Friskare Geiter også etter 2010. Slik kan det positive arbeidet med å få ein frisk geitepopulasjon halde fram og ein kan unngå at dei sanerte flokkene blir resmitta.**Det bør også vurderast å gje kompensasjon for tapt grunntilskot på mjølka i samband med sjukdomssaneringa.**

Med helsing

Hordal. Sau og Geit

Sogn og Fj. Sau og Geit

Møre og R Sau og Geit

fylkesleiar

fylkesleiar

fylkesleiar